



+ Ina infurmaziun da la Banca
naziunala svizra



Dapli
infurmaziuns sin
www.snb.ch/200

© Banca naziunala svizra 2018

Il tema da la bancnota da 200

Il tema da la nova seria da bancnotas è «La Svizra multifara». Mintga bancnota preschenta ina vart tipica da la Svizra che vegn illustrada tras in element principal.

La bancnota da 200 mussa la Svizra da sia vart scientifica – l'element principal è la materia.

Ils dets dal maun inditgeschan trais axas da coordinatas e representan uschia las dimensiuns spazialas, en las qualas la materia s'estenda. La libra illustraziun d'in detectur da particlas sco er d'ina collisiun da particlas simbolicascha la perscrutaziun en Svizra.

L'illustraziun sur il globus mussa la repartiziun dals continents durant il temp da crida tardiv.

La bancnota ha anc blers auters tratgs che tractan il tema da la bancnota, la scienza, e l'element principal, la materia.

Scuvri sez la bancnota.



SNB BNS +

200

La nova bancnota
da 200 francs



La nova bancnota da 200

La nova bancnota da 200 francs è cumparida. Ella è la quarta da totalmain sis bancnotas da la nova seria.

Cun la nova seria survegn la Svizra bancnotas ch'en pli modernas ed anc pli segiras.

Qua vesais Vus la bancnota da 200: sia concepziun e sias caracteristicas da segirezza ch'en simplas da controllar.


Il tema da la nova seria è «La Svizra multifara».



Controllai l'autenticitatad

2 TEST DA LA STRIVLA

Muvai vi e nà la bancnota: cifras cotschnas e verdas sa movan sin quatter lingias ina vers l'autra.




1 TEST DAL GLOBUS

Muvai vi e nà la bancnota: in artg verd sa movea sin il globus.



3 TEST DA LA CRUSCH

Tegnai la crusch svizra en la glisch: ella sa mida en ina bandiera svizra.



4 TEST DAL TRIANGUL

Tegnai il triangul en la glisch: il fil da segirezza è visibel tras e tras.



5 TEST DAL MAUN

Palpai il maun, la cifra 200 u il num da la Banca naziunala: il squitsch d'arom è da sentir.

